



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material



27982



3752  
2640  
ԽՈՐՀՈՒՐԴԻ ՀԱՆԳԻՍԻ

ԱՐԱՐՉԱԳՈՐԾՈՒԹԵԱՆՆ

ԱՍՏՈՒԾՈՅ

ՅԵՂ Ի ԳՐԱՒՈՐ ԲԱՆ

ՊՕԴՍ Գ. ԲԵՐԵՍԷՅԱՆ

ԱՆԱԿԵՐՏ

Ս. ՆԵՐՍԻՍԵԱՆ ՎԱՐԺԱՐԱՆԻ

Ի ԻԱՍԳԻԻՂ

ԳՈՐԾ ՉՈՐՐՈՐԴ  
ԳՐԱՍԻՐԱԿԱՆ ԸՆԿԵՐՈՒԹԵԱՆ

Կ. ՊՕԼԻՍ

ՏՊԱԳՐՈՒԹԻՒՆ Ռ. Յ. ԲԻՐԲՃԵԱՆ

ՎԻԵՆՆԱ

# ԽՈՐՀՈՒՐԴԻՔ ՀԱՆԴԻՍԻ

ԱՐԱՐՉԱԳՈՐԾՈՒԹԵԱՆՆ

## ԱՍՏՈՒԾՈՅ

2857A




ՅԵՂ Ի ԳՐԱԻՈՐ ԲԱՆ

ՊՕՂՈՍ Գ. ԲԷՐԷՍՏԷՅԵԱՆ

ԱՇԱԿԵՐՏ

Ս. ՆԵՐՍԻՍԵԱՆ ՎԱՐԺԱՐԱՆԻ

Ի ԽԱՍԳԻՒՂ



ԳՈՐԾ ԶՈՐՐՈՐԴ  
ԳՐԱՍԻՐԱԿԱՆ ԸՆԿԵՐՈՒԹԵԱՆ

Կ. ՊՕԼԻՍ

ՏՊԱԳՐՈՒԹԻՒՆ Ռ. Յ. ԲԻՒՐԳՅԵԱՆ

X 872





ԱՐԱՐՁԱԳՈՐԾՈՒԹԵԱՆՆ ԱՍՏՈՒԾՈՅ



Ա.

Փառաւորեացուք զԱստուած , քանզի մեծ է նա և ամենուրեք , նա տեսանէ զամենայն . օրհնեացուք զԱստուած , քանզի ամենակալ է նա : Յոչնչէ արար նա զամենայն , զարեգակն՝ ի լոյս տուրնջեան , և զուսին՝ ի լոյս գիշերոյ : Կէտն՝ որ պատառէ զալիս Ովկիանու , փիղն՝ որ վազվազէ ի վերայ լեւանց , Որդն՝ որ սողայ ի գետնի , և որ ինչ յաշխարհի աստ , Աստուած է այնոցիկ ամենեցուն արարիչ :

Թռչունք ի ճռուողել իւրեանց ի վերայ դալարաղգեաց ոստոց՝ հանեն նուագս գովեստից առ Աստուած : Առուակն օրհնաբանէ զնա յընթանալն իւրում՝ ընդ քարաժայռս խոխոջմամբ :

Թէպէտ դեռ մանուկ տիովք , այլ և ես վառաւոր առնեմ զԱստուած :

Չեն բազում ժամանակք յորմէ հետէ ծնեալ է իմ, յառաջագոյն չև էին լուծեալ կապանք լեզուի իմոյ, և չգիտէի թէ իցէ Աստուած, անհասանելի էին ինձ ամենայն ինչ, այլ այժմ քանզի կարեմ խօսել, պարտ է զի վառաւոր արարից զնա, և զի կարեմ ճանաչել զբարութիւնս նորա, պարտ է ապա սիրել զնա յամենայն սրտէ իմմէ :

Կոչեացէ զիս Աստուած, պատրաստեմ երթալ զհետ նորա, հրամայեացէ ինձ, վաղվազակի հնազանդեցայց նմա :

Ըստ աճել տիոցս՝ խեղամուտ եղեց մեծի շնորհաց նորա, և ուսայց վառաւոր առնել զնա և ծառայել նմա :

Բ.

Այլ արդ զի զարդացեալ է իմ և ուսեալ ի հօրէ իմմէ ճանաչել զԱստուած, և լուեալ զքահանային պատարագ և զխրատս նորա, գիտեմ զի Աստուած արար զիս՝ առ ի սիրել զնա և ծառայել նմա : Իսկ արդ սիրեցից զԱրարիչն իմ, և երբէք ոչ ամաչեցից օրհնել և

վառաւորել զնա ամենայն ուրեք :

Քաջ գիտեմ զի Աստուած եղ զիս յաշխարհի աստ, փրկեաց զիս ի մեղացն յոր արկ ըզմեղ Ադամ՝ Նախահայրն մեր, առաքեաց զՈրդին իւր միածին առ ի փրկել զմեզ, ընդ որում և զՀոգին սուրբ : Որդին Աստուծոյ ծընաւ յամենասուրբ կուսէն Մարեմայ՝ ի թագուհւոյն երկնից և ի զօրաւոր բարեխօսէն մերմէ :

Յիսուս որդին Աստուծոյ ուսոյց մարդկան զաստուածային վարդապետութիւն իւր, նըւիրեաց զանձն իւր ի փրկութիւն մեր, մեռաւ անարգաբար ի խաչին, յարեաւ յաւուրն երրորդի, և յետ աւուրց քառասնից համբարձաւ յերկինս : Իսկ առ անմահ գործելոյ զանգին պատարագ խաչին իւրոյ, տուեալ է նորա իշխանութիւն ամենայն քահանայից՝ հանապազորդ և ամենայն ուրեք առնել զյիշատակ նորա սրբով պատարագաւ, յորում ի ջանէ նա ի վերայ սեղանոյն որպէս էջն յաշխարհ :

Այսու սրբով խորհրդով գալստեան իւրոյ ամենայն աստուածային վառօք ի ջանէ յեղկելի սիրտս մեր, որ ի ձեռն հաւատոյ և խոնարհութեան և եթ կարող է արժանի լինել նմա :



Յետ սրբարար մկրտութեանն հաստատեաց նա զսուրբ Խորհուրդն ապաշխարութեան առ ի քառութիւն մեղաց մերոց , և իշխանութիւն ետ եկեղեցւոյ թողուլ զմեզս մեր՝ ի խոստովանել մեր զայնոսիկ ոգւով հլութեամբ փոխանորդին Աստուծոյ :

Արդ զայս ամենայն գիտացեալ հիացմամբ փառաւորեմ՝ զանբաւ գթութիւնն Աստուծոյ , և մի լիցի ինձ երբէք դադարել ի սիրելոյ զնա և զնմանէ դոհանալոյ :

Գ.

Օ՞ն , ելցուք ի դաշտ՝ տեսանել եթէ զիւարդ աճեն ծաղկունք , ունկնդիր լիցուք դաշտայկաց թռչնոց : Ե՛կ , սիրելիդ իմ , խաղալ և զբօսնուլ ի նորաբոյս դալարիս :

Վաղ իսկ անցեալէ ձմեռն , ծառք վերընձուղին , պարզին վարդակարմիր ծաղկունք դեղձւոյն , դալարագեղ պծնին տերեւք , անանուխ և սամիթ և այլք այսպիսիք սիւրբ ընդ բլուրս և ընդ ձորս . մանուշակն համեստ թագչի ընդ ստուերաւ , և քաղցրաբոյր ծաւալէ զհոտ իւր :

Հաւու նստեալ ի թուխս՝ ժամէ ի ժամ մնայ անձկանօք պահուն բեկանելոյ կոցաւն զխեճեպս ձուռցն և արտաքս ելանելոյ յսյնոցիկ սիրասուն վառեկացն :

Գառինք նորածինք հազիւ հազ կարեն կալ ի մարմանդի ի վերայ անգոր ոտիցն և դողդոջեալ յենուն ի մարս իւրեանց : Ի՞՞՛ մատաղ գառնուկք , տիպարք անմեղութեան , եթէ անկանիչիք զգեանի , չիք ինչ ձեզ անտի վրտանդ , քանզի բնութեան սիւեալէ զերկրաւ գորդ ինչ քնքուչ կանաչագեղ մարմանդի :

Թիթեռնիկք հոլաթեւեալ , յարեգակն կոյս , թռթռին ճիւղոյ ի ճիւղ և ի ծաղկէ ծաղիկ :

Ամենայն ձագունք նորածինք հրճուին ի լոյս բարեբաստիկ , և ցիր ընդ ցան աստ և անդ խաղան և խայտան , և փառաւոր առնեն զԱստուած , որ կեանս ետ նոցա :

Նոքա խայտալ և եթ կարեն և ցնծալ սրբախիւ , այլ մեք օժտեալ եմք և այլով իւրիք չընորհօք , որով կարող եմք օրհնաբանել զԱստուած ի յօդաւոր բարբառ շրթանց մերոց :

Թռչունք ճռուողեն , գառինք մայեն , այլ մեք միայն կարեմք խօսել զբարեացն Աստուծոյ :

Ապա փառաւորեացուք զԱստուած՝ օրհնաբանելով զնա և ի դիմաց արարածոցն, ուրոց ոչ են լեզու :

Ո՛վ ծառք ծաղկեալք, և գառինք մատաղերամք, ո՛չ ապաքէն եթէ լեզու էր ձեր, գովաբանէիք զբարութիւնն Աստուծոյ . այլ զի պակասէ ձեզ յօգաւորութիւն բարբառոյ, մեք ինքնին բարբառեացուք փոխանակ ձեր, մեք շնորհս կալցուք զբարձրելոյն Աստուծոյ փոխանակ ձեր՝ ընդ ամենայն տեղիս, ի լեւրինս բարձունս և ի դալարագեղ վայրս :

Դ.

Հովիւ խնամ տանի ոչխարաց իւրոց և արածէ զնոսա ի դաշտս մարգածինս և առ ափունս ականակիտ ջուրց, զգառինս նորածինս և վաստակարեկս բառնայ յուս իւր և ի դիրկսըն, և զօցտեալսն կոչէ առ ինքն :

Աստուած է Հովուապետ բարի, Տէր տիեզերաց, և խնամակալ ամենայնի, փառք նորա են երկիր, և մարդիկ՝ հօտ իւր, և բոյսք՝ արօտ նորա :

Մայր սիրէ զորդի իւր, և ի գութ ծնելախէր գգուէ և ողջագուրէ զնա ի վերայ ծնգաց իւրոց . գուն գործէ կազդուրել զմարմին նորա կերակրովք, և տակաւ խելամուտ առնէ զնա ամենայնի : Ի խօթանալ նորա առաւել ևս խանդաղատանօք խնամէ զնա, և ի ննջելն հսկէ զդիչերն ողջոյն առ նմա, և ակն կալեալ մնայ անձկանօք զարդանալոյ մանկանն, զի ուսուցէ նմա զճանապարհս առաքինութեան :

Աստուած է զօրացուցիչ ամենայն մարց, ազատարար նոցա ի վտանգաց, և մխիթար և խնամակալ յամենայնի :

Աստուած է որ պաշտպանէ զամենայն, զի ի նմանէ արարաւ ամենայն ինչ : Ամենայն թագաւոր իչխէ ի վերայ ժողովրդեան իւրոյ, թագոսկի ի գլուխ իւր, և մական արքունի ի ձեռին, բազմեալ ի գահ շքեղ՝ հրամայէ ամենեցուն, և ամենքեան խոնարհեալ մեծարանս զնեն նմա պատկառանօք : Թագաւոր՝ որոյ աթոռակից իւր իցէ իմաստութիւն, պաշտպան կայ բարեգործաց, և պատուհասէ՝ որոց զչար իցէ արարեալ :

Աստուած է թագաւոր թագաւորաց, և թագ նորա արեգակն . գահոյս արկեալ բազմի

նա ի վերայ աստեղաց , հրամայէ նա մեզ կեալ  
 և կեամք . հրաման տայ մեռանել և մահու  
 մեռանիմք , ի շխանութիւն նորա տարածանի ի  
 վերայ ամենայն երկրի , և լոյս երեսաց նորա  
 ցոլանայ յամենայն արարածս իւր :

Աստուած է մեր հօլիւ , պարտ է մեզ եր-  
 թալ զհետ նորա , Հայր մեր է նա , պարտ է  
 մեզ սիրել զնա . Թագաւոր մեր է նա , և պարտ  
 է մեզ հնազանդել նմա :

Ե.

Օ՛ն , եկայք և ի զնին մատերուք բոսորա-  
 գեղ թերթից վարդիս սյսորիկ , որպէս տա-  
 տանի նա ի վերայ կանաչագեղ ցօղնոյն , չըք-  
 նաղ դ շխոյն ծաղկանց , որոյ տեսիլ նագելի և  
 հոտ քաղցրածուալ յինքն ձգէ զամենեսին :  
 Այլ առաւել գեղեցկագոյն է որ զվարդն ա-  
 րար , և սիրելի ամենայն սրտի ,

Հօրագոյն է առիւծ քան զամենայն կեն-  
 դանիս : Յելանել նորա յորջոյ իւրմէ , ճօճէ  
 զտուտն ճապուկ , մունչէ որտագին , և ամե-  
 նայն կենդանիք ճարակաւորք թողուն առ ա-

հի զդաշտն և գնան անտի ի բաց , մինչև վայ-  
 րադասուն իսկ գազանաց յերեսաց նորա ի վա-  
 խուստ խուճապել յանապատ տեղիս : Այլ՛ ,  
 հօր է առիւծ , այլ որ ստեղծն զնա հօրագոյն  
 է քան զնա , նորա ըստ սրտի իւրում և ըստ  
 կամացն չափ և սահման եղեալ է կենաց մարդ-  
 կան , և չիք ոք որ ի մեղանչելն իւրում վեր-  
 կեսցի յարդար բարկութենէ նորա :

Լուսապայծառ է արեգակն , ի ծագել իւ-  
 րում՝ յանամպ եթերին , և ի հատանելն զբո-  
 ցակէզ ճանապարհ իւր՝ սիւռէ ի վերայ երկրի  
 զլոյս իւր : Այլ քան զարեգակն պայծառագոյն  
 է և վառահեղ որ հաստատեացն զնա . ընդ-  
 ամենայն տեղիս է նա , և լոյս երեսաց նորա ի  
 վերայ ամենայն արարածոց . գիշեր նմին ան-  
 մատոյց , և Աստուած է անուն նորա , գործք  
 նորա են Տիեզերք , և գեր ի վերոյ է նա քան  
 զամենայն գործս իւր . նա ինքն է լրումն և  
 պսակ գեղեցկութեան , բարութեան և ճշմար-  
 տութեան :

Չ.

Ահաւասիկ ամփոփին ճառագայթք արեգական, ցօղն գիշերային իջանէ զերկրաւ, և հրատապ ջերմութիւն տուընջեան մեղմանայ ի սմին պահու :

Ծաղկունք փակեն զիւրեանց թերթս նըկարէնս, և գլխակոր անկանին զցօղնովք իւրեանց :

Վառեակք նիրհեն ի քուն քաղցրութեան ընդ թեւօք մարց իւրեանց, թռչունք դադարեն յերգոց, և մտեալ ի բոյնսն՝ գլուխ ընդ թեւօք հանգչին յոստս ծառոց :

Ո՛չ ինչ բզզիւն լսելի լինի ի փեթակին, յոր մեղուք հանապազորդ մուտ և ել առնեն, և որոց թողեալ զվաստակ իւրեանց ննջեն ամենքեան յանդորրու ի մոմեղէն սենեկի իւրեանց :

Ոչխարաց մակաղեւոց ի վերայ փափուկ գեղման իւրեանց ո՛չ ևս լսի բառաչ ի վերայ բլրոց :

Մանկունք մոռացեալ են զխաղս իւրեանց, չիք ոք չիք ուրեք . ոչ ոտնաձայն, և ո՛չ ան-

ցորդ ի ճանապարհս, դարբինն ոչ ևս բախէ զուռն իւր ընդ սալ, ո՛չ ևս լսի խռընտիւն սըղոցի հիւսան, ննջեն ամենայն արարածք, մարդիկ և անբանք :

Երկինք և երկիր ի խաւար պատեալ, և ահա գիշեր է ամենայն ուրեք :

Ո՞ր էր ցօղն որ հսկէ որոց ննջենն, և յապիկարութեան նոցա ո՞ պաշտպան կայ նոցա :

է ակն որ ոչ երբէք նիրհէ, և տեսանէ զամենայն առանց լուսոյ արեգական, չեն ինչ նմա պետք լուսոյ նորա ի ճանապարհի իւրում, և ոչ առտնին լուսոյ կանթեղին : Ո՛չ ի խնդիր լինի նա աստեղց յերկինս ի գիշերի, չիք ինչ որ արգել լիցի տեսութեան նորա. խնամէ զամենայն մարդ, ակն է նա Աստուծոյ, որոյ ձեռըն հանապազորդ պաշտպանէ զմեզ :

Տուաւ մեզ քունս յԱստուծոյ ի սփոփանս և ի դիւր վաստակոց մերոց, և գիշեր առ ի հանգիստ :

Մայրն որդեսէր՝ մատն ի բերան և ոտն ի մատին չրջի ընդ երեկոյս ի տանն անշշունջ յամենայն տեղիս առ ի խափանել և զդոյզն աղմուկ, զի մի՛ զարթնուցու մանկիկն ի քնոյն քաղցրութենէ . խնամով արկանէ զնովաւ զվա-

բազոյր որրանին , և բառնայ զճրագն զի մի արգեւ լիցի աչաց նորա .

Այսպէս և Աստուած ձգէ զսեւաթոյր քօղն զերկրաւ , և խաղաղեցուցանէ զամենայն ինչ , զի քաղցր ի քուն լիցի գերդաստան իւր մեծ :

Ի քուն լերուք հանգստեամբ , ամենայն վաստակեալք , ննչեցէք մանկունք փոքունք և բզէզք , քանզի հսկէ Աստուած ի վերայ ձեր , և աչք նորա անքուն հանապազորդ բաց են առ ի պաշտպանել զձեզ : Յորժամ մեկնի խաւար և փարատին աղջամուղջք գիշերոյն , և մինչ արփեհնոյն լուսասփիւռ ճառագայթք շողան յաչա ձեր , գոհացարուք զՑեառնէ որ պահպանեաց զձեզ ի գիշերի : Ծաղկունք բուրեն Աստուծոյ զքաղցր բուրմունս իւրեանց , թռչոց մինչչեւ ընկեր զընկեր կոչեցեալ գոհաբան լինին զնմանէ . և մարդ ելանէ յանկողինս իւր՝ ունելով զանունն Աստուծոյ ի սրտին , և յիջանելն անտի ընդ առաւօտն՝ վերստին փառաւորէ զանուն նորա :

որով

Է .

Ասա՛ ինձ , ո՛րդեակ , ո՛ւստի եկիր և զի՛նչ տեսեր :

28572


Շրջեցայ ընդ մարմանդս , և ոչխարք ճարակէին ընդ պարարտ դալարիս , և շուրջ զինն մակաղէին ընդ ստուերաւ տերեւախիտ ծառոց , Յորեանն ատօք բուսեալ էր յարտափայլի և մեկոնն և հարսնուկ խառն աճէին ընդ նոսա . մարմանդք զարդարեալ էին մեծաւ շքեղութեամբ :

29902

Եւ ո՛չ այլ ինչ տեսեր և իքնին առեր , ո՛րդեակ . է և այլ ինչ վերագոյն քան զայդ ամենայն , Աստուած ի դաշտի էր , և ո՛չ տեսեր զնա .

Յածեցայ ընդ թանձրախիտ անտառս , և տեսի զի շնչէր հողմ յոստս ծառոց , քարավազ խոխոջանօք վայրաբերէր ի գազաթանց ժայռից , սամոյրն ոստոսաէր յոստոց յոստս ծառոց , թռչունք միաբարբառ երգէին քաղցր ի նուագ :

Միթէ զայդ միայն լուար , ո՛րդեակ , դարձ անդրէն ուստի եկիրն , քանզի առաւել քան զայդ ամենայն՝ է՛ այլ ինչ կարի մեծ և արժանի լսելոյ : էր Աստուած ի ձայն հողմոյն և ի



կարկաջ ջրոյն , և զհա՛րդ ոչ լուար զձայն նորա :  
 Տեսի զլուսին , որ բարձրանայր յետ կուսէ  
 ծառոց իբրև զկանթեղ արծաթի , աստեղք  
 ծագէին մի զկնի միոյ , և ահա յանկարծ յար-  
 եան ամպրոպք արջնաթոյրք , և ընթանային  
 ընդ հարաւ : Փայլակն լուսաւորէր զերկինս ,  
 կայծակն ի հեռուստ որոտայր շանթարձակ ,  
 լուայ զահագին որոտումն և եղէ սրտաթափ :

Ի կայծակէ՞ և եթ երկնչիս , միթէ չէ՞ր այլ  
 ինչ աւելի քան զփայլակն ահարկու , դա՛րձ  
 անդրէն , որդեակ , քանզի է ինչ մեծ առա-  
 ւել քան զայդ ամենայն , զհա՛րդ ոչ ծանեար  
 զԱստուած որ էր ի մըրկի անդ : Աստուած է  
 ամենայն ուրեք և յամենայնի զոր լսեմքն և  
 տեսանեմք , չիք ինչ առանց նորա , հարկ է զի  
 և ի միտս մեր լիցի նա հանապազ :

Ը.

Արեգակն բոցակիզէ զմեզ որպէս կապար  
 հրաչէկ , զի հասարակեցաւ օրն , եկայք նըս-  
 տարուք ընդ հովանեաւ վարսագեղ ծառոց ,  
 որոց ոստք արկանեն զմեւք ստուեր հանգոյն

ասղարթախիտ տաղաւարաց , ընդ որս ճաճանչ  
 արեգին չկարեն թափ անցանել : Դալարազը-  
 ւարճ մարմանդ տարածանի ընդ ոտիւք մե-  
 ըովք , առուակն ականակիտ մօտ քերեալ հո-  
 սէ առ ծառովք , և երես երկրին շուրջանակի  
 ծաղկազարդ յօրինեալ . հանգ իցուք ի տեղւոյս ,  
 և նիրհեսցուք ի քուն քաղցր :

Ոչխարք մակաղել և եթ գիտեն և ի քուն  
 լինել ընդ հովանեաւ , այլ մեք բանաւորք ե-  
 լով կարեմք փառաւոր առնել զԱստուած և  
 ժամանեցուցանել առ նա զբարբառ մեր :

Աստուած , արարիչն մեր , արար զշերմու-  
 թիւն արեգական յաճումն բուսոց և զհովանիս  
 ծառոց ի հանգիստ , և զծառս պտղալիցս՝ ի  
 սնունդ , և ջուրք կարկաջահոսք յոռոգումն  
 երկրի :

Զիա՛րդ մարթ իցէ մեզ բարձրացուցանել  
 զձայնս մեր մինչև յերկինս , և անդր քան զեր-  
 կինս երկնից : Այլ չէ ինչ հարկ զի ձայն մեր  
 հասանիցէ մինչ ի յերկինս , քանզի լսէ Աստ-  
 ուած և զմրմունջ մեր . և որպէս յերկինս , նոյն  
 և յերկրի է նա :

Այլ ո՛վ մանկունք աղածրիք , զիա՛րդ հը-  
 նար իցէ մեզ խօսել ընդ նմա ընդ յաւիտենա-

կանին Աստուծոյ, Մի՛ մոռացուք զաջն որ արար զմեզ, եթէ ապիկարս գտցուք զմեզ ի խօսել ընդ նմա, գէթ թոթովեացուք զանուն նորա, որ եբաց զբերան մեր: Նա՛ զի և ի չխորհելն մեր զնմանէ՝ ոչ ի մոռացօնս արկանէ զմեզ, հանապազ օրհնէ նա զմեզ ևս և ի յապաղել մեր յօրհնաբանութիւն նորին:

Նա հաստատեաց զքնքուշ զանգամս մեր, և օր քան զօր կազդուրէ զայնոսիկ, ապա փառաւոր արասցուք զնա հանապազորդ:

Ոստք փթթին, արձակին տերևք, ծաղկունք փոխին ի պտուղս. այլ և ոչ մին ի նոցանէ ճանաչէ զԱստուած, և կարէ շնորհս ունել զբարութենէ նորա:

Բուրմունք ծաղկանց և տեսիլ պտղոց զմայլեցուցանեն զմեզ, այլ չեն նոցա բանք ի փառաւորել զԱստուած:

Նա արար զտունկս առ ի պտղատու լինել մեզ, և զմարդ յօրհնաբանութիւն իւր:

Սիրեմք զԱստուած, քանզի օրհնէ նա ըզմեզ, գոհանամք զնմանէ վասն ստեղծանելոյ նորա զմեզ, զի քաղցր են կեանք: Պաշտօն հարկանեմք նմա, քանզի Որարիչ է ամենայնի, սիրեմք զարարածս նորա, զի ձեռաց նորա են գործք:

Չէ մարթ ապաքէն ունել մեզ զբարութիւնն Աստուծոյ, որով սիրէ նա զամենայն բանաւոր արարածս իւր. այլ կարեմք ուրախ լինել ընդ բարութիւնս նոցա ամենայն, զոր ընձեռէ նոցա աննախանձ:

Գոհաբան լիցուք զՏեառնէ ի զբօսանս մեր և ի նեղութեան, ի զրկանս մեր և յուրախութեան, օրհնեսցուք զնս ի յարթնութեան և ի քուն, և անուն նորա եզիցի հանապազ ի շրթունս մեր:

Թ.

Հիւզ մշակին ծածկեալ է ի պրտուոյ, մայրն բազմեալ առ դրան մանէ բուրդ, մանկունք նորա կան առ նմա, զբօսնուն ի դալարւոջ. գուտորն երէց ուսուցանէ քերցն հնազանդ լինել և վաստակել: Հայրն առ ի հայթայթել զպարէն նոցա ընդ քիրտն մտեալ աշխատի զօրն ցերեկ. է զի սերմանէ նա և է զի հնձէ, մերթ գործէ զհող և մերթ ցնցմամբ ծառոց թափէ զպտուղսն. ի մտանել նորա ընդ երեկս ի խրճիթն, մանկունք նորա ցնծութեան

կայթիւք ելանեն ընդ առաջ, մայրն պատրաստէ զընթիս :

Ամենեքին որդիք և անդամք են միոյ միայնոյ գերդաստանի, և դուրս ընտանեացն հայր նոցա . եթէ ընտանիք բազմաթիւ իցեն և երկիր բազում, ծառայք լինին նոցա յօգնականութիւն, և ամենեքեան հանգչին ընդ միով յարկաւ : Ուտեն զնոյն հաց և ի ծունր իջեալ միաբան փառաւորեն զԱստուած : Շաղկապեալ կան ի մի զօդ սիրոյ, և ի ջերանելումք ի նոցանէ յախտս ինչ, գութք աղեաց ամենեցուն զնովաւ խարչատին, և ի բժշկելն խնդան ամենեքին ուրախութիւն մեծ :

Տնակք մօտ առ մօտ կանգնեալ, և գոգցես իմն ամենայն գերդաստանք դրացի են միմեանց . ի ճեմել և կամ յերթալն նոցա ուրեք պատահեն միմեանց, վաճառեն և գնեն յիրերաց, և ի լսելն զձայն զանգակին երթան յեկեղեցի : Տեսեալ զաղբատն ողորմին նմա և մխիթարեն զախտածէտն :

Այս օրինակ է կենցաղ գեղջէից ի չէնս կառուցեալս ընդ ստուերաւ անտառաց : Այսպէս են և քաղաքք և անթիւ պողոտայք նոցա, և իշխանք . որ վարեն զնոսա :

Աշխարհ ինչ մեծատարած հանդերձ քաղաքօք բազմօք կազմէ թագաւորութիւն, որոյ սահմանք են լերինք . գետք՝ ճանապարհք նորա երկայնաձիգք, և ծով շուրջ պատէ զնովաւ : Հայրենակիցք որք ընդ միով տէրութեամբ կան, խօսին զնոյն և զմի լեզու : Միազունդ մարտնջին, ի միասին վայելեն ի խաղաղութեան և անսան միում և եթ թագաւորի :

Պետութիւնք բազումք, կղզիք, ծով և ցամաք՝ ընդ այլ և այլ գօտուովք երկնից կազմեն համատարած զաշխարհ ընդ իշխանութեամբ միայնոյ Աստուծոյ : Որպէս մըջիւնք ի բոյնս իւրեանց այնպէս և մարդիկ անհամար են ի վերայ երկրի . Որոց բնակութիւնք իցեն ի գաւառս արեւակէզս, սեաւ են դոյնք նոցա : Եւ որոց յերկիր ցրտութեան, մուշտակօք պատրասարեն զանձինս : Են որք զովանան գինեաւ, և են որ ըմպեն զկաթն քօքոյի : Այլք երթան ի խնդիր հովասուն վայրաց և ականակիտ ջուրց ի բոյժ ծարաւոյ իւրեանց :

Մարդիկ համօրէն միոյ Աստուծոյ են ընտանիք, և անձնիւր ոք ճանաչէ զԱստուած, որպէս ոշխար զիւրն հովիւ, ոմն յայս լեզու և ոմն յայն կարդայ զԱստուած, և նորա խելա



մուտ լեալ պիտոյից նոցա հասանէ յօգնակա-  
նութիւն . չիք ոք ընդդիմակաց՝ որ ազատ ի-  
ցէ ի պատուհասէ նորա , և ոչ հզօր՝ որ անկա-  
բօտ իցէ պաշտպանութեանն Աստուծոյ :

Յողնախոնառ խափշիկուհւոյն ի գերու-  
թեան անդ իւրում փարեալ զորրանաւ ակ-  
տացելոյ մանկանն՝ քաղին ոգիք և կթօախն  
ժունկք , եթէ ո՛չ Աստուած կացեալ առ նո-  
վա՝ քաջալերիցէ զնա :— Բաց զբերան քո ,  
կինդ եղկելի , կարգա՛ զԱստուած և ժամա-  
նեսցէ քեզ յօգնութիւն :

Եւ դու , ո՛վ արքայ , որ ունիս աշխարհս  
բազումս ընդ իշխանութեամբ քով , և ի շար-  
ժեւ յօնիցդ մահ սպառնաս , մի՛ լիցի քեզ ա-  
սել երբէք եթէ չիք ինչ ի վեր քան զքեզ ,  
քանզի և քան զքեզ մեծ է Աստուած . եթէ մեղի-  
ցես առաջի նորա , վաղ կամ անաղան թօթա-  
փեսցին ի գլուխ քո կայծակունք բարկութեան  
նորա :

Երկերուք ի Տեառնէ , բնակիչք երկրի ,  
պաշտեցէք զԱստուած , զի ո՛վ ոք իցէ նորա ա-  
քարած և ո՛չ փառաւորեացէ զնա , և ո՛վ իցէ  
զոր օրհնեաց Աստուած , և նա զԱստուած ո՛չ  
օրհնաբանեացէ :

Ժ .

Ա՛ռ դոյզն ինչ աւաղ յափն քո , գուն  
գործեա բնդ թուով արկանել զայնոսիկ ,  
տեսցուք եթէ կարո՞ղ իցես : Թուեա՛ զչիղս  
խոտոց դաշտաց և զտերեւս ծառոց , Ապաքէ՛ն  
և ո՛չ մին ի նոցանէ ընդ համարով անկանի ,  
սակայն գործքն Աստուծոյ առաւել եւս բազ-  
մապատիկ են քան զայնոսիկ :

Աճէ եղբւկն ի բարձրաբերձ լերինս , և  
ուռենին տնկեալ ի գնացս ջուրց գլուխ ի խո-  
նարհ կայ իզնին վճիտ առուակին , որ սողսկեալ  
դնայ առ բնովն : Պատասպարին կանկառք սայ-  
բասուր փյովք , բրդազգեաց մուշին են տե-  
րեւք կակուղք , և ճապուկն լուբիա և որթք  
կուռեալ պատատին զնչդարեօք , կաղնի . խոր  
արմատս հաստատեալ յերկրի զդէմունի շրդ-  
թայաղերծ հողմոց , Ծաղիկն մարգարիտ պրճ-  
նազարդ բողբոջէ ի ստորոտս լերանց , կակաչն  
խնդրէ զհող պարարտ և զձեռն խնամակալ :

Հիրիկն և եղէգն շաղպատին զմիմեամբք ,  
խոտն լիափուկ բուսանի ի մարմանդս և թուփք  
փշոց յանգործ երկրի :

Շուշանն ջրային աճէ ի դետս , ծաղկունք

նորա լայնածիրք յերեսս ջուրց , շահօքրամն բուսանի ի ժայռուտս և քաղցր բուրումն նորա ծառալի ի սփիւռ :

Տերևք և բոյսք ուրոյն ուրոյն ունին զիւրեանց գոյն և զձև , տես՛ս զգալարիս որ աճեն ի դաշտս և զխոտս կոխան ոտից մարդկան եղեալ , յանձուկ ճանապարհս , այլ ոչ ոք սերմանեաց զնոսա :

Են բոյսք , որ բուսանին ի վերայ բարձրաբերձ ժայռից՝ անմատոյց ոտից մարդկան , և են որ աճեն ի խորս անտառաց կամ յանմարդի կղզիս : Աստուած է որ ի թևս հողմոց թռուցելոց այսր և անդր սերմանէ զսերմունս , կերպաւորէ զնոսա ի գոյն և ի ձև , ուռգանէ անձրևօք , և ցողոյն երկնից աճեցուցանէ զնոսա , նա է որ երփն երփն երգունէ զնոսա և պարգեւէ նոցա տեսիլս ակնապարարս , բուրումն քաղցրութեան հեղու զնոքօք՝ զգեցուցեալ ըզնոսա ի թափանցիկ և ի նրբադոյն թերթս՝ հիւանալիս աչաց տեսանելեաց :

Չիա՞րդ մարդ իցէ քնքուշ վարդին զբոորագեղ գոյն իւր առնուլ յարջնաթոյր հողէն , և շուշանին զբեհեղ իւր , զիա՞րդ ի սերմանեաց դուզնաքէից բուսանին ծառք մեծա-

մեծք , և զիա՞րդ գիտեն բոյսք զտեղի իւրեանց և զժամ վերընձիւղելոյ : Յետ տեղալոյ ձեան , գլուխ եղնակին ցցուի արտաքս ի հողոյ , և յաւուրս գարնանամտի՝ ազդ առնէ և զգալլատենէ իւրմէ :

Են ծաղկունք որք խնդրեն զչերմութիւն արևու ամարայնոյ , և դափնին ընդ այլս մըշտադալար ծառոց զարդարէ զտխրութիւն ձըմերան :

Ամենայն բոյս բերէ զհամանմանն իւր , ո՛չ հասկ ցորենոյ ծնանի ի կորիզէ , և ո՛չ թին խընձորոյն կարէ յառաջ ածել զկեռասենի :

Ի ծածկել ձեան զերեսս երկրի և ի պատել սառնամանեաց զբուսողքն , տարածանէ Աստուած զնոքօք զխնամս իւր զի մի՛ գօսասցին :

Կապտին ծառք ի զարդուց իւրեանց , թօթափին տերևք , և գողգեսս իմն ոսկերք նոցա և եթ մնան ի նոսին , և ի յարուցանել Աստուծոյ զշուշա գարնայնոյ՝ փթթեալ ի կանաչագեղ տերևս դառնան անդրէն ի կենդանութիւն :

Ի հրաշալեաց Աստուծոյ է պահպանութիւն բուսոց , և մինչ բնաւք զԱստուած քարոզեն , ինձ չէ պարտ խօսել զնմանէ . զի ամենայն դաշտք

հրաշից նորա են մատեանք , և մէն մի ծաղիկ  
դաս խրատու՝ արկեալ ի գիր . կարկաչ առ-  
ուակին՝ բարբառ իւր է և լեզու , և ամենայն  
արարածք փառաւոր առնեն զլստուած և  
պատմեն զնմանէ .

Ոչ կարեմք տեսանել զԱստուած , զի  
չանկանի նա ընդ տեսեամբ աչաց , այլ տես-  
եալ մեր զհրաշայիս նորա՝ պաշտեմք զնա ,

Որ առաւել խելամուտն իցէ , առաւել ևս  
պարտի օրհնաբանել զլստուած . և ո՞ւմ մարթ  
իցէ գիտել զթիւ և զհամար գործոցն Աստու-  
ծոյ .

ԺԱ.

Հայեցարուք ի կաղնին հինաւուրց , ի փա-  
ռըս և ի պարծանս գեղջն . զիա՞րդ հաստա-  
բուն է կոճղ նորա , ոտք և ճիւղք նորա կար-  
ծրապինդ և բազմաթիւ , և արմատք նորա խո-  
րափիտ հաստատեալք , յերկրի՝ վերամբարձ ու-  
նին զծառն վիթխարի ամենայն ծանրութեամբ  
իւրով :

Թռչունք դնեն զրոյնս իւրեանց յոտս նո-  
րա , ոչխարք մակաղին ընդ հովանեաւ նորին ,

և շինականք ակումբ առեալ բոլորին զնովաւ ,  
այլ և ոչ ումք յերիցագունից անտի վիճակե-  
ցաւ տեսանել զնորափթիթ աւուրս ծառոյն  
այնորիկ . Բազումք ի մարդկանէ եկին յաշխարհ  
և մեկնեցան անտի , այլ նա անդստին յերկեր-  
իւր ամաց հետէ և առաւել հաստարմատ կաց  
մնայ յանտառին :

Սակայն էր երբեմն զի և ծառս այս էր իբ-  
րև զմի ի խողակաց անտի որք շրջափիււռ դը-  
նին ի գետնի առ ստորոտով նորա . խողակն յո-  
րոյ վերայ դուն ուրեք տեղան կաթիլք ցօղոյ՝  
պնդեալ պահէր զծառն ի սերման իւրում .  
կոճղն այն հաստաբուն , և խիտ առ խիտ ոտ-  
քըն և տերեք ծնան ի միոջէ խողակէ անտի , և  
ծառն գամ քան զգամ անեցեալ բաժանեցաւ  
ի ճիւղս ճիւղս . զննուդ իւր առնու յերկրէ ,  
պարարի յանձրեաց և ծծէ զցօղ երկնից . Այլ  
հող , անձրև և ցօղ ապիկար են բուսուցանել  
ինչ առանց խողակին կամ արգելուլ զխողակն  
փոխել ի կաղնի :

Հանգոյն խողակին և մանուկն փոքրիկ անէ  
տակաւ առ տակաւ , և ի ծնաներն իւրում բե-  
րէ յինքեան զբովանդակ և զընդարոյս կարո-  
ղութիւնս իւր , զմիտան , զգատողութիւն , ըզ

լիշողութիւն , զգիտութիւն բարւոյն և զչափին , և զխնդիր ճշմարտին և զստոյն :

Յուշած միանգամ զայր հանճարեղ զոր ծանեար և զորմէ լուեալ իցէ քո , կամ զայր բազմագէտ որ բազկատարած դիմէ յօգնութիւն նմանեաց իւրոց և որ զնմանութիւն բերէ ծառոց մեծաց , ասասլիր ընդ անձն քո , եթէ և սա իբրև զիս տղայ էր և տգէտ , և էր երբեմն զի անբաւական էր գիտել զբարին և ըզչարն և որոշել զճմարիտն ի ստոյն :

Եթէ չէր քո զխողակ տեսեալ , անմարթ էր քեզ հաւատալ մեծութեան կաղնւոյն , և և եթէ չէր քո զմանուկ տեսեալ , անհնար էր քեզ հաւատալ բանից առն հանճարեղի և ի մաստնոյ :

Գիտութիւն սնունդ է մտաց , որպէս հող , անձրև , և ցօղ ծառոյն , որ տարածանէ զարմատս ընդ երկրաւ : Մատեանք հմտալիցք սընունդ տան մտաց նորա , և բարգաւաճ գործեն զկարողութիւնս մտացն ազգի ազգի ծանօթութեամբք :

Ի գործ արկ զմիտս քո , և մատակարարեա՛ նմա զսնունդ կարևոր ի բարգաւաճումն նորին :

Քանի՞ արդեօք ամք անցին ի վերայ , մինչև կաղնիդ վիթխարի եհաս յայդ հասակ իւր յաղթ , և քանի՞ փոփոխմունք եղանակաց : Մինչդեռ տունկ ինչ էր նա մատաղաբոյս , զոր և մանուկ մատաղ կարէր անաշխատ արմատախիլ առնել և կորցել զնա ի հողոյ ի բաց , քանի՞ ամանորք անցին մինչ ի ծառանալ դորա :

Այսպէս և զարդուն հասակի մանկանն պէտք են բազմաժամանակեայ աւուրց :

Մարթ է խողակին կորնչել ի գետնի , անհետ լինել ուղեչից մատաղ տնկոյն , և ջախջախեալ բեկանել ծառոյն . այլ յետ աճելոյն մնայր նմա լինել կաղին . և սակայն չէր մարթ զի ի միում եղանակի ծաղկեալ արձակէր սաղարթս և ի միւսումն ո՛չ , որպէս և են ծառք որք ընծիւղեալ և ցամաքին ի նոյն և ի միում տարւոյ :

Մարթ է մանկան իմաստուն լինել կամանմիտ , այլ ընդ աճելն իւր լինի այր կատարեալ . բնութիւն նորա չէ հանգունատիպ անասնոցն , անմահական է նորա հոգի :

Ձան ի գործ արկ խնամ տանել հոգւոյդ , զօրացո՛ զնա գիտութեամբ և ճշմարտութեամբ , գիտասլիր զի հոգի պատկեր Աստուծոյ է , և յԱստուծոյ տուաւ քեզ այն :

կաղնին կեայ ամս հարիւրաւորս . միտք մարդոյ վասն անմահութեան ստեղծան :

Մի' արհամարհեր զմանուկն և մի' ապա- կաներ զԱստուածային պատկեր նորա :

ԺԲ.

Արեգակն դիմէ հմուտս իւր և ծածկի յետ կոյս լերանց , ամփոփին ճաճանչք նորա , և գիշեր իջեալ յերկնից պատի զերկրաւ :

Ո՛չ գայն խոտոց և ոչ երփներանգ փայլ ծաղկանց նկարին այլ եւս առաջի աչաց իմոց . հիւզոյ յխար , հովիւ և ամենայն ինչ ծածկին ընդ սեւաթոյր քողով գիշերոյ , ոչինչ այլ եւս պատ- կերի աչաց իմոց ի տեսիլ՝ որպէս եթէ ոչինչ էր լեալ :

Եղո՛ւկ հիքիդ , ում ոչինչ տեսանելի է , քանզի ծածկեալ թուին մեզ դալարիք և ծաղկունք , հիւզք և ծառք և խաչինք և հովիւք նոցա : Դարձո՛ դաչս քո ի վեր յերկինս կոյս , դէտակն կալեալ տե՛ս զաստեղս երկնից որք ելանեն մի զմիոյ կնի առ ի լուսաւորել զհա- մատարած մակերեւոյթ երկնից :

ԺԳ.

Հասին աւուրք ձմերայնոյ , դաշտորայք երեւին խոպանացեալք և կորդացեալք , չիք ձայն բարբառոյ , և ոչ շշունչ , ոչ ճռուողումն թռչնոց , և ոչ բզզանք միջատաց , ջուրն ծորան սառուցեալ է որպէս զապառաժ :

Ծառք ձգեալ տարածանեն յօդս զոստս իւրեանց կապտեալս ի սաղարթուց իբրև զբազուկս վտիտս , և հիւթ երկրի ոչ ևս ընթանայ յերակս նոցա . ոչ ևս երևին երփնագոյն ծաղկունք և ոչ պայծառագեղ երեսք երկնից :

Արեգակն ծագէ թախժեալ և տրտում և առանց ջերմութեան , գողցես իմն առ ի յանդիման կացուցանել զաղէտս համատարած բընութեան :

Լաց , բնութիւն , և ողբա՛ ի վերայ ծննդոց քոց , որք խուն մի յառաջ անդորրաւետ և հրճուալից վայելէին ի գանձս բարեաց քոց . վարդ բուրէր զիւրն անուշաբոյր հոտ . որթ ըզխալող՝ և ամենայն տունկ տայր զիւրն պտուղ :

Ո՛վ բնութիւն չքնաղ , ծնունդ Աստուծոյ , ասա՛ ինձ , ընդէ՛ր տրտում ես , միթէ անտե՛ս արար զքեզ Աստուած , և միթէ ի կորո՛ւստ մատնեալ իցես :

Ո՛չ սյդպէս , այլ անպակաս են խնամք Աստուծոյ զքէն , և ձեռն նորա ի վերայ քո՛ . Եկեսցէ ժամանակ յորում վերընձիւղեալ ծաղկեսցին ծառք քո , վարդն առնու անդրէն ըզ

իննկաբոյր հոտ իւր զառաջին, երկիր զիւր կա-  
նաչագեղ դալարիս, գայ և գարուն ծաղկա-  
պսակ պարել շուրջ զքեւ :

Մի՞ տրտմիր, ո՞ բնութիւն, և ո՛չ ընդ որս  
ծածկին ընդ դաշտօքդ անյարիր, և չերեւին  
այլ ևս ի վերայ երկրի :

Չի՞ է զի վարդն և մուրտ ամ ըստ ամէ ծաղ-  
կեսցին դալարագեղ, և մարդ մշտնջենաւո-  
րապէ՛ս մեռանիցի :

Կորնչիցի՞ն արդեօք ընդ հողով այնքանի  
գիտութիւնք և առաքինութիւնք :

Ուխք արտասուաց հեղեալք զգերեղմա-  
նօք չմարթիցի՞ն արդեօք կենդանացունել  
զմարդն անշնչացեալ :

Սակայն ո՛չ այնպէս, այլ իմաստութիւն և  
առաքինութիւն անմահ կացցեն մնացեն  
իբրև զմուրտ և զվարդ, և սրբեսցին արտա-  
սուք յաչաց մարդկան ի ժամանել յաւիտենա-  
կան տարւոյն . կացցուք մնացուք ապա և այլ  
փոքր միւս ևս . . . :

ԺԴ.

Ուստի՞ գաս, որդի մահու, զի՞ լաս և առ  
իմէ՞ տրտմեալ իցես :

— Տեսի զվարդ զի ընդ առաւօտն գեղածի-  
ծաղ կենաց իւրոց բացեալ զթերթս յարևու՛

շողայր երվնագեղ, անցի անդրէն և տեսի և  
ահա թարչամեալ կայր զցօղնով իւրով, և գեղ  
նորա անհետացեալ և տմոյն : Ոչ ևս քաղցր է  
բուրումն նորա և թերթք նորա ցան և ցիր տա-  
րածեալ ի գետնի կոխան լինին ոտից մարդկան :

Էր ի դաշտին ծառ մի բարձրաբերձ, ոս-  
տըք նորա տերևազարդք շուրջանակի տա-  
րածեալ գործէին հովանի, և էր բուն նորա  
անդրդուելի և արմատք իբրև զկեռիս : Յետ  
սակաւուց դարձ արարի անդրէն, և հահ հող-  
մըն սաստկաշունչ կապտեր զտերևս նորա զա-  
զազունս և զդալկացեալս, ոստք նորա անկա-  
նէին ի սուր սայր կացնոյ փայտահարին :

Եռային զեռային որդունք սորսորեալ ի  
կոճեղէ նորա և փուտ փայտին թօթափէր իբ-  
րև զփոշի :

Տեսի զմիջատս զի շողշողէին ի լոյս արեգա-  
կան, և թռթռէին յեղերս ջուրց, թեք նոցա  
պայծառք իբրև զոսկի և զծիրան, մարմինք  
արագաշարժք և իբրև զզմրուխտ կանաչագոյնք,  
և թիւք նոցա անհամար : Սյլ ի դառնալ իմու՛մ  
ընդ երեկս տեսի զկէս ի նոցանէ ընկղմեալս ի  
ջուր, և զմիւս կէսն հողմահար սատակեալ,  
Ծիծառն ափ յափոյ որսացեալ եկեր զնոսա, և  
ձուկն եկուլ ընդ ջրոյն, և ոչ մնաց ի նոցանէ  
և ո՛չ մի :

Տեսի և զմարդ ի զօրութեան իւրում, դէմք  
կայտառ և զուարթագին, և ամենայն անդամք  
մարմնոյն առոյգ և զօրաւոր, ոստնոյր և ոստոս-

տէր , երգ ի բերան պարէր և խնդայր , և համարէր եթէ չիցէ ոք իբրև զնա երիտասարդագոյն և առուգագեղ : Անցի ընդ այն և ահա տեսի զմարմին նորա տարածեալ ցուրտ և մերկ անշարժ ոտիւք և ձեռամբք կարկամելովք : Վաղ իսկ կորուսեալ էր հիգին զկեանս իւր և ննջեալ գըռն յաւիտենից :

Արժաթափայլ լուսին զերդ կուսան նազելի բարձրանայ ի կամարս , և լոյս նորա աղօտ ցուանայ ի կապուտակ դաշտին :

Բոյլք աստեղաց , արջն մեծ և փոքրն , Ջայկն ահեղ և բեւեռային աստղն անշարժ որ առաջնորդէ նաւապետին , վառ ի վառ շողշողին զգլխովք մերովք : Շառագոյն լոյս երեկոյին երթայ և անհետանայ , և ճրագսնք շիջանին ի տունս , այլ ջահք երկնաւորք գեղափայլ շողշողին և փայլին ի կարգս իւրեանց , Մի աշխատ լինիր թուել զնոսա , քանզի անթիւ են որպէս աւազ առ ավին ծովու , այլ ո՛չ երբէք տեսանես որ ի վեր է քան զնոսա :

Հայկն ցուցանէ զբաղմաճաճանչ ճակատ իւր , և շնիկն՝ զսպիտակափառ դէմնն : Ամենայն աստեղք հնազանդ են աստուածական անյեղլի օրինաց . զի Արարիչն տիեզերաց ետ արեգական զփառահեղ ճաճանչս նորա լուսատու լինել աշխարհի , և մատնանիշ գծեալ զկայս և զչաւիղս մոլորակաց , արդելու նոցա անցանել ըստ սահմանս իւրեանց :

Եթէ հնար լինէր ճանապարհ առնել քեզ

յանսահմանութեան անդ իբրև զնետ սրացեալ , յետ բիւր բիւրուց ամաց դարձեալ չմարթէր քեզ հասանել ի ծագս տիեզերաց :

Ձի և ի խորին անկիւնս երկնից գոյր քեզ միշտ առաջի ելանել նորոց արեգականց և մուրակաց սահմանելոց յարբանեկութիւն :

Ամբարձէ՛ք զչաչս ձեր ի վեր , ո՛վ հէք մահկանացուք , Աստուած վասն այնորիկ ամիտութեաց զարև ի մայր իւր , զի տեսանիցէք զանթիւ գունտս հրեղէնս , յաւար պատեաց զերկիր զի զմտաւ ածիցէք զօրն յետին ահաւոր :

Բիւրաւոր արարածք ընուն զերկիր , նոյն և անհամար կենդանիք զօդ և զջուր , և ո՞ պատմեսցէ զքնութիւն և զբարս նոցա , կամ չափեսցէ զըջանս աստեղաց , և ծանիցէ զստհմանս նոցա :

Տիեզերք ամենայն ի ձեռին են Աստուծոյ , և ո՛չ բաժանին ի նմանէ որպէս մանուկ ի մօրէն :

Աստուած զովացուցանէ զքնակիչնս Հրատի , և ի ջերմութիւն երևակին՝ եօթն գունտք հրեղէնք ի հրամանէ նորա շուրջ գան զնովաւ . և ամենայն աստեղք օրհնաբանեն զԱստուած :

ԺԵ.

Յամաքեցաւ ծաղիկն ի ծղօտ իւր , և թօթափեցան թերթք նորա ի դետին , Տեսի զայն վերընծիւղեալ և զծղօտ նորա կոկննազարդ ,

հոտ անսւչից բուրէր ի նմանէ շուրջանակի :

Տեսի զդիմել արեգական ի մուտս իւր , և զդիշեր որ պատէր զերկրաւ ծագէ ի ծագ : Ոչ ինչ յայնժամ ի տես գայր աչաց և ո՛չ ձայն ի լուր ականջաց : Ոչ բազում ժամք անցին ի վերայ , և ահա ծագեաց արփին ընդ արևելս , ոսկեգոյն փայլին գագաթունք լերանց , արտոյտն ողջունէ զգալուստ նորա , և իսպառ մերժի տարագրի խաւարն :

Տեսի զմիջատն բարետեսիլ և առոյգ , այլ ընդ հուպ տեսի զնա թափեալ իսպառ ի զօրութենէն և ոչինչ խնդրէր ուտել , շինեաց իւր գերեզման , և պատատեցաւ ի բժոժին , և չիք նորա այլ ևս ո՛չ շարժումն և ո՛չ զօրութիւն : Այլ յետ ոչ բազում աւուրց և ահա ծակէ որդրն զգերեզման իւր , տեսի զնա զի գայր ելանէր անտի արտաքս , և ի թևս թեթևս թըռանէր յոստոց յոստս :

Նոյն և քեզ լիցի , ո՞վ մարդ , զի եթէ եղծանելի է քո մարմին , այլ անմահ է հոգի քո , և բաստ քո յաւիտենական կախեալ է յաստի կենաց քոց :

Ո՞ բառնայ զքարինս գերեզմանաց , և արտաքս կոչէ զմեռեալս , և ո՞ ժողովէ զոսկերս նոցա սիրեալս ընդ աշխարհ ամենայն :

Ո՞վ է դա՞ որ բազմեալ ի վերայ ամպոց հըրեղինաց ձայնիւ փողոյ և բազմութեամբ հըրեշտակաց իջանէ յաշխարհ :

Օժեալն է այն , որդին Աստուծոյ , փրկիչն

աշխարհի , և բարեկամն արդարոց :

Ուրախացեալ ընդ աստուածային փառս իւր ընկալեալս ի հօրէն յաւիտենից , տայ անտի և մօր իւրում , կոչէ առ ինքն որք ոչ անցին զպատուիրանաւ իւրով , ևս և զամենայն վաստակեալս և զլկեալս վասն իւր :

Մի՛ տրտմիր ապա , որդիդ անմահութեան , պարտեցաւ աւերիչն արարածոց , և Յիսուս յաղթեաց նմա իւրով մահուամբ , ուրախ լեր , որդիդ անմահութեան :

**ԺԶ.**

Հոտ անոյ է վարդին , այլ պատեալ է նա փշովք , քաղցրահոտ է շուշան դաշտին , այլ բուսանի նա ի մէջ դժնկաց :

Գեղածիծաղ է դարուն , այլ ընդ հուպ անցանէ , գեղեցիկ են աւուրք ամարան , այլ ի վերայ հասանել ձմերան ոչ ևս յիշեմք զամառն : Ծիածանն երփն երփն փայլի հանդարտիկ , այլ սուղ ինչ ժամանակ :

Քաղցր են կեանք , այլ մահ՝ դառնութիւն նորա :

Գոյ այլ աշխարհ ուր վարդին չիք փուշ , ծաղկունք չբուսանին յորմն , դարուն նորա մշտատե և անանց , օրն ցերեկ մշտապայծառ , անդ աճէ ծառն կենաց անթառամ ծաղկօք , անդ անթիւ հոգիք երգեն երգս հոգևորս և այլուս շուրջ զաթոռովն Աստուծոյ . սերով բէք հարկանեն զիւրեանց ոսկի քնար , և քե-



ըովբէք թռանին ի թևս հրեղէնս :

Անդ են հայրենիք արդարոց , և չիք անդանօր մուտք չարի իրիք :

Չիք անդ հիւանդանալ ումեք , ո՛չ ջերմութիւն ամարան , ո՛չ ցուրտ ձմերայնոյ և ո՛չ մարտ պատերազմաց , այլ ամենեքեան փարեալ կան զմիմեամբք ի սէր անբժուածեան :

Ի մեռանել միոյ ուրուք ի բարեկամաց մերոց կամ յազգականաց և ի ծածկել նորա ընդհողով , ոչ այլ ևս տեսանեմք զնա յերկրի . այլ գտցուք անդրէն զնա յերկինս , և միասցուք ընդ նմա՝ անմեկին ի նմանէ , անդ՝ ուրանօր սուրբք և առաքինիք և եթ օթեանին :

Օրհնել օրհնեմք և սիրել սիրեմք զԱստուած յերկրի աստ , այլ առաւել ևս յերկինս օրհնաբանեալ սիրեսցուք զնա , անդ տեսցուք զբանն կենաց զՅիսուս , որ եկն յաշխարհ վասն մեր և քարոզեաց զճանապարհն յաւիտենական . Անդ տեսցուք զԱստուած ի փառս իւր , զոր ո՛չ տեսանեմք ի յերկրի , այլ սիրել միայն զնա կարեմք յաստիս :

Ո՛չ կամիմք թողուլ զերկիր , այլ պարտ է մեզ զԱստուած զմտաւ ածել հանապազ , զի անցաւոր եմք մեք յերկրի աստ , և յանցանել զնալ մեր աստի , յաւիտեանս յաւիտենից լիցի մեզ բնակել անդանօր անվասճան :

**ՅԱՆԿ ԳՐՈՅ**

**ԳՐԱՍԻՐԱԿԱՆ ԸՆԿԵՐՈՒԹԵԱՆ**

**ԻՍՍԳԻՒՂԻ**

**Ա.**— Ֆրանսուա կամ Սուա բանալի  
Թարգմանեաց ՚ի գաղղիականէ . ԻՍՍ-  
ՐՈՂ Ս. ՅԼԱՆԵԱՆ . . . . . զին 3 զրշ

**Բ.**— Ընդարձակ Հանրահաշիւ կամ  
Գրահաշիւ . Ա. Հատոր . Յօրինեաց .  
ԳՐԻԳՈՐ Յ. ԹԵՎԵԱՆ . . . . . զին 8 զրշ

**Գ.**— Դիւրուսոյց Ա յրբենարան Հե-  
գարան եւ Ընթերցարան Հայկադն  
մանկանց . Յօրինեաց ՌԱԲՈՒՍ Ա. ԱԲ-  
ԹԻՆՅՅ . . . . . զին 1 զրշ

**Դ.**— Խորհուրդք հանդիսի արար-  
չադործութեանն Աստուծոյ Յեղ ՚ի գը-  
րաւոր բան . ՊՕՂՈՍ Գ. ՔԵՐԷՍԷՆԵԱՆ 2 զրշ

**ԸՆԴ ՄԱՄԼՈՎ**

Հաւարածոյ զուարճալի եւ կրթա-  
կան պատմութեանց :

Նոր Քերական Գաղղիարէն զիւր-  
ուսանելի խառն ընդ Հայերէնի հան-  
դերձ բառարանիւ :

Ընդարձակ Հանրահաշիւ կամ դը-  
րահաշիւ Բ. Հատոր . ԳՐԻԳՈՐ Յ. ԹԵՎ-  
ԿՐԵԱՆԻ :

5

2

